



Službeni glasnik

Grada Tuzla

GODINA LVII

6. MAJ 2020. GODINE

BROJ 5

I AKTI GRADSKOG VIJEĆA GRADA TUZLA

1

Na osnovu člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), u skladu s članom 5. Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj 11/19), a u vezi sa članom 10. Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla („Službeni glasnik Grada Tuzla“, broj 11/15. i 1/20.), Gradsko vijeće Grada Tuzla, na sjednici od 5. maja 2020. godine, donosi

ODLUKU

o raspisivanju javnog oglasa za izbor i imenovanje člana Nadzornog odbora iz reda državnog kapitala u DD Centralno grijanje Tuzla

Član 1.

Raspisuje se javni oglas za izbor i imenovanje člana nadzornog odbora iz reda državnog kapitala u DD Centralno grijanje Tuzla.

Član 2.

Javni oglas, iz prethodnog člana ove Odluke, raspisat će se u „Službenim novinama Federacije Bosne i Hercegovine“

i u jednom dnevnom listu veće tiraže, s ciljem dostupnosti najširoj javnosti, a postupak po javnom oglasu će provesti Komisija za izbor, koju će u skladu s članom 10. Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla („Službeni glasnik Grada Tuzla“, broj 11/15. i 1/20.), imenovati Gradsko vijeće Grada Tuzla.

Član 3.

Odluka stupa na snagu narednog dana od dana objavljivanja u „Službenom glasniku Grada Tuzla“.

GRAD TUZLA

Gradsko vijeće

Broj: 01/15-A-5221-2020

5. maj 2020. godine

PREDSJEDAVALAČICA

Nataša Perić



2

Na osnovu članova 6 i 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj 12/03., 34/03. i 65/13.), člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), u skladu s članom 5. Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog

kantona („Službene novine Tuzlanskog kantona“, kantona („Službene novine Tuzlanskog kantona“, broj 11/19.), a u vezi s članom 10. Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla („Službeni glasnik Grada Tuzla“, broj 11/15. i 1/20.), Gradsko vijeće Grada Tuzla, na sjednici od 5. maja 2020. godine, donosi

ODLUKU

o kriterijima za izbor i imenovanje člana Nadzornog odbora iz reda državnog kapitala u DD Centralno grijanje Tuzla

I

Ovom Odlukom se utvrđuju opći i posebni kriteriji za izbor i imenovanje člana Nadzornog odbora iz reda državnog kapitala u DD Centralno grijanje Tuzla.

II

Kandidati za člana Nadzornog odbora iz reda državnog kapitala u DD Centralno grijanje Tuzla, mora ispunjavati sljedeće opće uslove:

1. Da su državljani Bosne i Hercegovine.
2. Da su stariji od 18 godina.
3. Da se protiv njih ne vodi krivični postupak.
4. Da nisu obuhvaćeni odredbom člana IX, stav 1. Ustava Bosne i Hercegovine.
5. Da nisu osuđivani za krivično djelo i prekršaj nespojiv s dužnošću u nadzornom odboru, pet (5) godina od dana pravosnažnosti presude, isključujući vrijeme zatvorske kazne.
6. Da im presudom suda nije zabranjeno obavljanje aktivnosti u nadležnosti nadzornog odbora.
7. Da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini, u periodu od tri (3) godine prije dana objavljivanja oglasa za upražnjene pozicije.
8. Da nisu izabrani dužnosnici, nosioci izvršne vlasti ili savjetnici u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“, broj 70/08.).

Pored općih kriterija, utvrđenih članom 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj 12/03., 34/03. i 65/13.), kandidati trebaju ispunjavati i posebne uslove, a to su:

1. Da imaju visoku stručnu spremu.
2. Da imaju najmanje tri (3) godine radnog iskustva nakon sticanja visoke stručne spreme.
3. Da ne obavljaju djelatnost ili ne vrše dužnost koja po posebnom zakonu ili drugom propisu predstavlja smetnju za imenovanje na upražnjenu poziciju.
4. Da nisu na funkciji u političkoj stranci.

5. Da se ne bave djelatnošću konkurentnom djelatnosti društva.
6. Da nemaju finansijski interes u društvu.
7. Da nisu predsjednici ili članovi nadzornog ili upravnog odbora drugog društva ili institucije.
8. Da nisu dioničari društva s 50% i više dionica, direktor i član uprave bilo kojeg dioničkog društva kao i vlasnik s 50% i više vlasništva, direktor i član uprave bilo kojeg društva s ograničenom odgovornošću..
9. Da posjeduju certifikat o stručnom usavršavanju u skladu s Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala („Službene novine Federacije Bosne i Hercegovine“, broj 71/09., 33/10., 23/11., 83/11., 2/13., 80/13. i 48/15.).

III

Kod utvrđivanja rang liste kandidata koji ispunjavaju opće i posebne uvjete, Komisija za izbor će utvrditi broj bodova za svakog kandidata po sljedećim kriterijima:

1. Step en obrazovanja:

- za step en visoke stručne spre me, 1,00 bodova,
- za drugi ciklus visokog obrazovanja, magistarska diploma, 1,05 bodova i
- za treći ciklus visokog obrazovanja, diploma doktorata, 1,10 bodova.

2. Stručna sprema:

- direktno vezana za djelatnost reguliranog organa, 1,00 bodova,
- posredno vezana za djelatnost reguliranog organa, 0,80 bodova i
- nevezana za djelatnost reguliranog organa, 0,60 bodova.

3. Dužina radnog iskustva:

- od tri do 10 godina radnog iskustva, nakon sticanja visoke stručne spre me, 1,00 bodova,
- preko 10 do 20 godina radnog iskustva, nakon sticanja visoke stručne spre me, 1,05 bodova,
- preko 20 do 30 godina radnog iskustva, nakon sticanja visoke stručne spre me, 1,10 bodova i
- preko 30 godina i više radnog iskustva, nakon sticanja visoke stručne spre me, 1,15 bodova.

IV

Komisija za izbor će izvršiti razmatranje prijave kandidata na način da kandidati koji ispunjavaju opće i posebne uslove podliježu bodovanju po kriterijima iz tačke III te sastavlja listu s užim izborom najboljih kandidata koji ispunjavaju kriterije za imenovanje.

V

Svi kandidati koji su ušli u už i izbor se pozivaju na intervju. O zadovoljavanju propisanih uslova svaki kandidat, koji uđe u už i izbor, izjasnit će se potpisivanjem

posebne izjave prije intervjua. Samo kandidati koji potpišu ovu izjavu će ući u dalje razmatranje.

U toku intervjua, Komisija za izbor mora voditi računa o sljedećem:

- da su svi kandidati u potpunosti upoznati sa standardom osobnog integriteta koji se traže za osobe imenovane na javnu poziciju,
- da su pitanja o sukobu interesa detaljno objašnjena i razmotrena sa svim kandidatima,
- da su svi kandidati u potpunosti informisani o pravu javnosti i transparentnosti cjelokupnog procesa imenovanja te da mogu uložiti prigovor protiv konačnog imenovanja i
- sve odluke Komisije koje proizilaze s intervjua moraju se u potpunosti dokumentovati.

Prilikom intervjua i procjene kvalifikacija i iskustva svih kandidata, uzet će se u obzir sljedeće:

- da posjeduju sposobnost za savjesno, odlučno, odgovorno i profesionalno obavljanje poslova predsjednika, odnosno člana Nadzornog odbora,
- da imaju izraženu individualnost, inicijativnost, nezavisnost u radu i donošenju odluka, kao i komunikacijske i organizacijske sposobnosti,
- da posjeduje znanje i sposobnost razumijevanja poslovnih izvještaja, poznavanje privrednog prava i ukupnog zakonodavstva na području djelovanja nadzornih odbora, korporativnog upravljanja i strategije i poslovne etike,
- da posjeduju sposobnost upravljanja finansijskim i ljudskim resursima, kao i naklonjenost timskom radu.

Bodovanje po osnovu intervjua:

Kandidat po osnovu intervjua može dobiti maksimalno pet bodova. Ukupan broj bodova koji pojedini kandidat dobije nakon obavljenog intervjua, izračunat će se tako da se bodovi koje daju pojedini članovi Komisije zbroje i podijele sa brojem članova Komisije za izbor.

VI

Rang-liste kandidata za izbor i imenovanje članova nadzornih odbora će biti formirane na osnovu bodovanja ostvarenog kvalifikacijom kandidata (tačka III Kriterija), pomnoženog s ocjenom kandidata dobivenom na intervjuu (tačka V Kriterija).

Smatra se da je kandidat koji je prvi na rang listi i kojeg je predložila većina od ukupnog broja članova Komisije, najuspješnije prošao otvorenu konkurenciju.

VII

Nakon okončanja postupka Komisija za izbor dostavlja Gradskom vijeću, kao odgovornom javnom službeniku, rang listu kandidata i zapisnik s kopijom svih prijava kandidata i dostavljenih dokaza.

Na osnovu rang liste kandidata Gradsko vijeće donosi odluku o utvrđivanju prijedloga kandidata za imenovanje člana Nadzornog odbora.

U skladu s odlukom Gradskog vijeća, skupština DD Centralno grijanje Tuzla će donijeti odluku o konačnom imenovanju člana Nadzornog odbora i osigurati objavu konačnog imenovanja.

VIII

Odluka stupa na snagu narednog dana od dana objavljivanja u „Službenom glasniku Grada Tuzla“.

GRAD TUZLA

Gradsko vijeće

Broj: 01/15-A-5223-2020

5. maj 2020. godine

PREDSJEDAVALAČICA

Nataša Perić

3

Na osnovu članova 6. i 8. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), u skladu s članom 7. Uredbe o vršenju ovlaštenja u privrednim društvima s učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj 11/19.), a u vezi s članom 13.a Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla („Službeni glasnik Grada Tuzla“, broj 11/15. i 1/20.), Gradsko vijeće Grada Tuzla, na sjednici od 5. maja 2020. godine, donosi

ODLUKU

o prijedlogu kandidata za privremeno imenovanje na upražnjeno mjesto člana Nadzornog odbora iz reda državnog kapitala u DD Centralno grijanje Tuzla

Član 1.

Ovom Odlukom Gradsko vijeće Grada Tuzla predlaže da se na upražnjeno mjesto člana Nadzornog odbora iz reda državnog kapitala u DD Centralno grijanje Tuzla, privremeno imenuje Mirzama Muftić, dipl. pravnik iz Tuzle.

Član 2.

U skladu s ovom Odlukom skupština DD Centralno grijanje Tuzla će donijeti odluku o privremenom imenovanju člana nadzornog odbora.

Član 3.

Privremeni član Nadzornog odbora, iz člana 1. ove Odluke, imenuje se do okončanja postupka kojim će se izvršiti konačno imenovanje člana Nadzornog odbora DD Centralno grijanje Tuzla, na način i u postupku propisanom Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj 12/03., 34/03. i 65/13.), a najduže tri mjeseca od stupanja na snagu odluke skupštine DD Centralno grijanje Tuzla, iz prethodnog člana.

Član 4.

Odluka stupa na snagu narednog dana od dana objavljivanja u „Službenom glasniku Grada Tuzla“.

GRAD TUZLA

Gradsko vijeće

Broj: 01/15-A-5220-2020

5. maj 2020. godine

PREDSJEDAVALAČI

Nataša Perić



4

Na osnovu člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14, 3/15, 7/15 i 12/15) i člana 33. Odluke o davanju u zakup poslovnih zgrada, poslovnih prostorija i garaža („Službeni glasnik Grada Tuzla“, broj 11/15, 1/16, 4/19, 8/19 i 11/19), Gradsko vijeće Grada Tuzla na sjednici od 5. maja 2020. godine, donosi

ODLUKU

o davanju saglasnosti na zaključenje ugovora o zakupu poslovne prostorije sa „PERFECT“ doo Tuzla

I

Daje se saglasnost na zaključenje ugovora o zakupu poslovne prostorije u Tuzli u ulici ZAVNOBiH-a broj 13 (hotel „Tuzla“) ukupne površine od 17,67 m², s dosadašnjim zakupcem „PERFECT“ doo Tuzla, pod istim uslovima koji su bili utvrđeni u prethodnom Ugovoru o zakupu poslovne prostorije, broj 04-23-2757 od 22. 4. 2016. godine.

II

Predmet ugovora je poslovna prostorija koja se nalazi u objektu izgrađenom na parceli označenoj kao k.č. broj 3049 K.O.Tuzla III, upisana u PL broj 2733, koja je u vlasništvu Grada Tuzla, s dijelom od 1/1 te će biti korištena kao kancelarijski prostor.

III

Poslovna prostorija, iz tačke I ove Odluke, dodjeljuje se u zakup na period od četiri godine, s tim da se po isteku ovog perioda zakupni odnos može produžiti, uz saglasnost obje ugovorne strane.

IV

Visina mjesečne zakupnine za predmetnu poslovnu prostoriju iznosi 176,70 KM, porez na dodanu vrijednost 30,04 KM, tako da ukupna mjesečna zakupnina iznosi 206,74 KM.

V

Detaljni uslovi zakupa poslovne prostorije će se regulisati ugovorom između Grada Tuzla, kao zakupodavca s jedne strane i „PERFECT“ doo Tuzla kao zakupca s druge strane, u skladu s Odlukom o davanju u zakup poslovnih zgrada, poslovnih prostorija i garaža, kao i propisima

kojima su uređena pitanja zakupa poslovnih prostorija te obaveza plaćanja PDV-a.

VI

Odluka stupa na snagu danom objavljivanja u „Službenom glasniku Grada Tuzla“.

GRAD TUZLA

Gradsko vijeće

Broj: 01/15-A-5216-2020

5. maj 2020. godine

PREDSJEDAVALAČI

Nataša Perić



5

Na osnovu člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.) i člana 33. Odluke o davanju u zakup poslovnih zgrada, poslovnih prostorija i garaža („Službeni glasnik Grada Tuzla“, broj 11/15., 1/16., 4/19., 8/19. i 11/19.), Gradsko vijeće Grada Tuzla, na sjednici od 5. maja 2020. godine, donosi

ODLUKU

o davanju saglasnosti na zaključenje ugovora o zakupu poslovne prostorije sa TR „PARIS“, vl. Vidović Azra, Tuzla

I

Daje se saglasnost na zaključenje ugovora o zakupu poslovne prostorije u Tuzli u ulici Trgovačka broj 3, površine 42,51 m², s dosadašnjim zakupcem TRGOVINSKA RADNJA „PARIS“ vl. Vidović Azra, Tuzla pod istim uslovima koji su bili utvrđeni u prethodnom Ugovoru o zakupu poslovne prostorije, broj 04-23-2758 od 22. 4. 2016. godine.

II

Predmet ugovora je poslovna prostorija koja se nalazi u objektu izgrađenom na parceli označenoj kao k.č. broj 318 dio, K.O.Tuzla II, upisana u PL broj 342, koja je u vlasništvu Grada Tuzla, s dijelom od 1/1 te će biti korištena za obavljanje trgovinske djelatnosti.

III

Poslovna prostorija iz tačke I ove Odluke se dodjeljuje u zakup na period od četiri godine, s tim da se po isteku ovog perioda zakupni odnos može produžiti, uz saglasnost obje ugovorne strane.

IV

Visina mjesečne zakupnine za predmetnu poslovnu prostoriju iznosi 637,65 KM, porez na dodanu vrijednost 108,40 KM, tako da ukupna mjesečna zakupnina iznosi 746,05 KM.

V

Detaljni uslovi zakupa poslovne prostorije će se regulisati ugovorom između Grada Tuzla, kao zakupodavca s jedne strane i TRGOVINSKE RADNJE „PARIS” v.l. Vidović Azra, Tuzla kao zakupca sa druge strane, u skladu s Odlukom o davanju u zakup poslovnih zgrada, poslovnih prostorija i garaža, kao i propisima kojima su uređena pitanja zakupa poslovnih prostorija te obaveza plaćanja PDV-a.

GRAD TUZLA
Gradsko vijeće
Broj: 01/15-A-5217-2020
5. maj 2020. godine

PREDSJEDAVALAČICA
Nataša Perić

6

Na osnovu člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), a u skladu s članom 79. stav (2) Zakona o predškolskom odgoju i obrazovanju („Službene novine Tuzlanskog kantona“, broj 12/09., 8/11., 10/13. i 8/18.), Gradsko vijeće Grada Tuzla, na sjednici od 5. maja 2020. godine, donosi

ODLUKU

o davanju prethodne saglasnosti na Odluku o oslobađanju od obaveze plaćanja iznosa participacije korisnika usluga za boravak djece u Javnoj ustanovi za predškolski odgoj i obrazovanje „Naše dijete“ Tuzla

I

Daje se prethodna saglasnost na Odluku o oslobađanju od obaveze plaćanja iznosa participacije korisnika usluga za boravak djece u Javnoj ustanovi za predškolski odgoj i obrazovanje „Naše dijete“ Tuzla, broj: 02-04-1355/2020 od 1. 4.2020. godine, koju je donio Upravni odbor Ustanove.

II

Odluka stupa na snagu narednog dana od dana objavljivanja u „Službenom glasniku Grada Tuzla“.

GRAD TUZLA
Gradsko vijeće
Broj: 01/15-A-5217-2020
5. maj 2020. godine

PREDSJEDAVALAČICA
Nataša Perić

7

Na osnovu člana 11. stav 3. Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj 11/19.), člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik

Grada Tuzla“, broj 1/14., 3/15., 7/15. i 12/15.), a u skladu s članom 14. stav 4. Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama („Službeni glasnik Grada Tuzla“, broj 11/15. i 1/20.) Gradsko vijeće Grada Tuzla, na sjednici od 5. maja 2020. godine, donosi

ODLUKU

o davanju prethodne saglasnosti Nadzornom odboru JKP „Komunalac“ d.o.o. Tuzla za imenovanja direktora Društva

I

Daje se prethodna saglasnost Nadzornom odboru JKP „Komunalac“ d.o.o. Tuzla da za direktora Društva imenuje Admira Bećirovića, magistra ekonomije.

II

Obavezuje se Nadzorni odbor da u skladu s ovom Odlukom donese Odluku o imenovanju direktora na mandatni period od četiri (4) godine.

III

Odluka stupa na snagu narednog dana od dana objavljivanja u „Službenom glasniku Grada Tuzla“.

GRAD TUZLA
Gradsko vijeće
Broj: 01/15-A-5218-2020
5. maj 2020. godine

PREDSJEDAVALAČICA
Nataša Perić

8

Na osnovu člana 22. stav 2. i člana 363. tač. 1. Zakona o stvarnim pravima („Službene novine FBiH“, broj 66/13. i 100/13.), članova 13. i 35. Zakona o principima lokalne samouprave („Službene novine FBiH“, broj 49/06.), člana 19. stav (2) Odluke o uvjetima i načinu pribavljanja i raspolaganja nekretninama u vlasništvu Grada Tuzla („Službeni glasnik Grada Tuzla“, broj 5/19. i 6/19.), člana 7. stav (2) Odluke o prodaji nekretnina u vlasništvu Grada Tuzla putem javnog nadmetanja - licitacije za izgradnju kolektivnog stambeno-poslovnog objekta F s pripadajućim vanjskim uređenjem u obuhvatu Izmjene Regulacionog plana prostorne cjeline Stupine u Tuzli („Službeni glasnik Grada Tuzla“, broj 2/20.) i člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), Gradsko vijeće Grada Tuzla, na sjednici od 5. maja 2020. godine, donosi

ODLUKU

o izboru najpovoljnijeg ponuđača i davanju saglasnosti na zaključenje ugovora o prodaji nekretnina u vlasništvu Grada Tuzla za izgradnju kolektivnog stambeno-poslovnog objekta F s pripadajućim

vanjskim uređenjem u obuhvatu izmjene Regulacionog plana prostorne cjeline Stupine u Tuzli**Član 1.**

Utvrđuje se da je u postupku javnog nadmetanja – licitaciji, održanoj dana 3. 4. 2020. godine na osnovu javnog oglasa o prodaji nekretnina u vlasništvu Grada Tuzla putem javnog nadmetanja - licitacije za izgradnju kolektivnog stambeno-poslovnog objekta F s pripadajućim vanjskim uređenjem u obuhvatu Izmjene Regulacionog plana prostorne cjeline Stupine u Tuzli, objavljenom u dnevnom listu „Oslobođenje“ Sarajevo, dana 12. 3. 2020. godine, na oglasnim tablama u zgradi Gradske uprave Tuzla, dana 12. 3. 2020. godine i web stranici Grada Tuzla, dana 12. 3. 2020. godine za nekretnine u vlasništvu Grada Tuzla, označene kao: k.č.broj 2164/21, zv. Stupine, oranica/njiva 2. klase, površine 3779 m², upisana u posjedovni list broj 1404 KO Tuzla III i u zk. uložak broj: 3279 KO Tuzla III, u posjedu i vlasništvu Grada Tuzla s dijelom od 1/1 i k.č.broj 2576/16, zv.Jala, pašnjak 2. klase, površine 532 m², upisana u posjedovni list broj 290 KO Tuzla III i u zk. uložak broj: 2187 KO Tuzla III, u posjedu i vlasništvu Grada Tuzla s dijelom od 1/1, a koje nekretnine čine građevinsku parcelu u svrhu izgradnje kolektivnog stambeno-poslovnog objekta F, s pripadajućim vanjskim uređenjem, u obuhvatu Izmjene Regulacionog plana prostorne cjeline Stupine u Tuzli, prema urbanističko tehničkim uslovima za izgradnju, utvrđenim Rješenjem o načelnoj urbanističkoj saglasnosti Službe za prostorno uređenje i zaštitu okoline, broj: 06/12-23-11564/2019 - TR od 10. 1. 2020. godine, najvišu ponudu dao učesnik javnog nadmetanja – licitacije, pravno lice „HEEZ TRANSPORT“ d.o.o. Tuzla, u iznosu od 3.100.000,00 KM (tri miliona i jedna stotina hiljada konvertibilnih maraka), što će ujedno predstavljati kupoprodajnu cijenu predmetnih nekretnina.

Član 2.

- (1) Daje se saglasnost Gradonačelniku Grada Tuzla ili drugom licu koje ovlasti Gradonačelnik, da u ime i za račun Grada Tuzla u svojstvu prodavca, zaključujući ugovor o prodaji nekretnina iz člana 1. ove Odluke, s najpovoljnijim ponuđačem javnog nadmetanja – licitacije pravim licem „HEEZ TRANSPORT“ d.o.o. Tuzla, u svojstvu kupca.
- (2) Ugovor iz stava (1) ovog člana, zaključit će se u roku od 30 dana od dana donošenja ove Odluke u formi notarski obrađene isprave.
- (3) Ugovor iz stava (1) ovog člana, uz prethodno pribavljeno mišljenje Gradskog pravobranilaštava, potpisuje Gradonačelnik ili od njega opunomoćena osoba.
- (4) Ukoliko odabrani najpovoljniji ponuđač pravno lice „HEEZ TRANSPORT“ d.o.o. Tuzla bez opravdanog razloga, po pozivu i u roku određenom u stavu (2) ovog člana, ne pristupi ili odbije potpisati ugovor iz stava (1) ovog člana, smatrat će se da je odustao od zaključenja nevedenog ugovora u kojem slučaju ova Odluka prestaje da važi, a odabrani najpovoljniji ponuđač

pravno lice „HEEZ TRANSPORT“ d.o.o. Tuzla gubi pravo na povrat depozita na ime kapare.

- (5) Troškove izrade i notarske obrade ugovora iz stava (1) ovog člana, kao i pripadajućeg poreza na promet nepokretnosti, snosi odabrani najpovoljniji ponuđač pravno lice „HEEZ TRANSPORT“ d.o.o. Tuzla (u daljem tekstu: kupac).

Član 3.

- (1) Kupac je dužan isplatiti kupoprodajnu cijenu iz člana 1. ove Odluke u cijelosti i u roku od 30 dana od dana zaključenja kupoprodajnog ugovora.
- (2) Prilikom isplate cjelokupne kupoprodajne cijene, uplaćena kapara će se uračunati u kupoprodajnu cijenu.
- (3) U slučaju zakašnjenja s plaćanjem kupoprodajne cijene, kupac je dužan uz kupoprodajnu cijenu platiti zakonsku zateznu kamatu za period kašnjenja, računajući od dana dospjeća do isplate.
- (4) Ukoliko kupac, ni u roku od 60 dana od dana zaključenja ugovora o prodaji iz člana 2. stava (1) ove Odluke, ne isplati kupoprodajnu cijenu, ugovor će se smatrati raskinutim, bez potrebe da se zaključuje poseban sporazum o raskidu, a kupac gubi pravo na povrat kapare.

Član 4.

Pravo vlasništva na kupljenim nekretninama kupac stiče uknjižbom prava u zemljišnim knjigama, nakon što je u potpunosti izmirio obaveze prema Gradu Tuzla, utvrđene zaključenim ugovorom iz člana 2. stava (1) ove Odluke, a nakon čega će se kupac uvesti u posjed.

Član 5.

Odluka stupa na snagu danom donošenja, a ista će se objaviti u „Službenom glasniku Grada Tuzla“.

GRAD TUZLA
Gradsko vijeće

Broj: 01/15-A-5218-2020
5. maj 2020. godine

PREDSJEDAVALAČICA

Nataša Perić



9

Na osnovu člana 22. stav 2. i člana 363. tač. 1. Zakona o stvarnim pravima („Službene novine FBiH“, br. 66/13. i 100/13.), članova 13. i 35. Zakona o principima lokalne samouprave („Službene novine FBiH“, broj 49/06), člana 13. stav (1) Odluke o opterećenju zemljišta s pravom građenja na lokalitetu Poslovne zone Kreka Sjever u Tuzli putem javnog nadmetanja – licitacije („Službeni glasnik Grada Tuzla“, broj 11/19. i 1/20.), člana 13. stav 2. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Službene novine Federacije Bosne i Hercegovine“, broj 17/14.) i člana 6.

Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), Gradsko vijeće Grada Tuzla, na sjednici od 5. maja 2020. godine, donosi

ODLUKU

o izboru najpovoljnijih ponuđača neposrednom pogodbom i davanju saglasnosti na zaključenje ugovora o osnivanju prava građenja na nekretninama u vlasništvu Grada Tuzla

Član 1.

Utvrđuje se da su po Javnom oglasu o opterećenju zemljišta pravom građenja na lokalitetu Poslovne zone „Kreka Sjever“ u Tuzli putem javnog nadmetanja – licitacije, objavljenom na oglasnoj tabli Gradske uprave Tuzla dana 07.02.2020.godine, web stranici Grada Tuzla dana 07.02.2020.godine i u dnevnom listu „Dnevni list“ dana 10.02.2020. godine, te licitaciji održanoj dana 03.03.2020. godine, najpovoljniji ponuđači u postupku opterećenja pravom građenja nekretnina u vlasništvu Grada Tuzla putem neposredne pogodbe (u daljem tekstu: najpovoljniji ponuđač), sljedeći:

- a) za nekretninu u Regulacionom planu označenu pod brojem 9, odnosno označenu kao k.č. broj 1474, zv. Polje, ostalo neplodno zemljište, površine 3435 m², upisane u PL broj 245 KO Tuzla IV, u posjedu Grada Tuzla s dijelom od 1/1 i u zk. uložak broj: 2845 KO Tuzla IV, u vlasništvu Grada Tuzla s dijelom od 1/1, najpovoljnija ponuda u postupku opterećenja nekretnine pravom građenja postignuta putem neposredne pogodbe je ponuda ponuđača „HEEZ TRANSPORT“ doo Tuzla, s cijenom mjesečne zakupnine u iznosu od 30,00 KM bez PDV-a.
- b) za nekretninu u Regulacionom planu označenu pod brojem 10, odnosno označenu kao k.č. broj 1478, zv. Polje, ostalo neplodno zemljište, površine 3637 m², upisane u PL broj 245 KO Tuzla IV, u posjedu Grada Tuzla s dijelom od 1/1 i u zk. uložak broj: 458 KO Tuzla IV u vlasništvu Grada Tuzla s dijelom od 1/1, najpovoljnija ponuda u postupku opterećenja nekretnine pravom građenja postignuta putem neposredne pogodbe je ponuda ponuđača „HEEZ TRANSPORT“ doo Tuzla, s cijenom mjesečne zakupnine u iznosu od 32,00 KM bez PDV-a.

Član 2.

- (1) Daje se saglasnost Gradonačelniku Grada Tuzla ili drugom licu koje ovlasti Gradonačelnik, da sa najpovoljnijim ponuđačem iz člana 1. ove Odluke zaključi ugovor o osnivanju prava građenja na predmetnim nekretninama, po naknadi (mjesečnoj zakupnini) iz člana 1. ove Odluke, u formi notarski obrađene isprave.
- (2) Ugovor iz prethodnog stava ovog člana, zaključit će se u roku od 30 dana od dana donošenja ove

Odluke, a ukoliko najpovoljniji ponuđač ne zaključi ugovor u ovom roku, smatrat će se da je odustao od zaključenja ugovora o osnivanju prava građenja.

- (3) Troškove izrade i notarske obrade ugovora o osnivanju prava građenja, kao i pripadajućeg poreza na promet nepokretnosti, snosi nosilac prava građenja.

Član 3.

Najpovoljniji ponuđač iz člana 1. ove Odluke, dužan je prilikom zaključenja ugovora o osnivanju prava građenja, vlasniku zemljišta - Gradu Tuzla predati notarski obrađenu mjeničnu izjavu i bjanko trasiranu akceptiranu mjenicu (mjenica bez protesta) s tim da mjenični dužnik (trasat) može biti samo banka, kao sredstvo obezbjeđenja plaćanja zakupnine za vrijeme trajanja prava građenja, koje sredstvo će se dostaviti Službi za ekonomski razvoj, poduzetništvo i poljoprivredu.

Član 4.

- (1) Najpovoljniji ponuđač iz člana 1. ove Odluke, kao nosilac prava građenja, dužan je zakupninu na ime naknade za zemljište plaćati mjesečno, po fakturi ispostavljenoj od strane Službe za ekonomski razvoj, poduzetništvo i poljoprivredu do 5. u mjesecu za prethodni mjesec, a obaveza plaćanja zakupnine teče od dana zaključenja ugovora o pravu građenja.
- (2) Uplaćena kapara najpovoljnijeg ponuđača se uračunava kao unaprijed plaćena zakupnina.
- (3) Iznos zakupnine se usklađuje jednom godišnje s ostvarenom stopom godišnje inflacije ili deflacije na način da se plaćena zakupnina iz prethodne godine uvećava ili smanjuje za ostvarenu stopu inflacije ili deflacije u toj godini, a korigovana zakupnina će se primjenjivati u tekućoj godini.
- (4) Ukoliko nosilac prava građenja kasni s plaćanjem zakupnine dva mjeseca uzastopno, vlasnik nekretnine će aktivirati instrument obezbjeđenja plaćanja.
- (5) Ukoliko je kašnjenje s plaćanjem zakupnine duže od tri mjeseca uzastopno, smatrat će se da je nosilac prava građenja jednostrano raskinuo zaključeni ugovor te će se donijeti odluka o ukidanju zasnovanog prava građenja, a nosilac prava građenja se obavezuje da će po pozivu vlasnika zemljišta – Grada Tuzla pristupiti zaključenju notarski obrađenog sporazumnog raskida zaključenog ugovora o osnivanju prava građenja.
- (6) Odluku o ukidanju prava građenja iz prethodnog stava ovog člana donosi Gradsko vijeće Tuzla, na prijedlog Gradonačelnika Grada Tuzla, a po inicijativi Službe za ekonomski razvoj, poduzetništvo i poljoprivredu.
- (7) Ukoliko nastupe činjenice iz stava (5) ovog člana i ukoliko se nosilac prava građenja ne odazove pozivu vlasnika zemljišta – Grada Tuzla za pristupanje zaključenju notarski obrađenog sporazumnog raskida zaključenog ugovora o

osnivanju prava građenja, nosilac prava građenja će neopozivo izjaviti da je saglasan da vlasnik zemljišta – Grad Tuzla može u posebnoj notarski obrađenoj ispravi, na zapisnik kod notara dati izjavu o jednostranom raskidu ugovora, zbog nastupanja uslova za raskid istog, odnosno proteka roka za dobrovoljno izvršenje obaveze te da je ujedno nosilac prava građenja saglasan da se upisano pravo građenja briše iz zemljišne knjige i ovlašćuje vlasnika zemljišta – Grad Tuzlu da podnese zahtjev za brisanje upisanog prava građenja.

- (8) U slučaju raskida ugovora zbog neplaćanja zakupnine za utvrđeno pravo građenja na nekretnini koja je predmet ugovora o osnivanju prava građenja, a na kojoj nekretnini je započeta gradnja, objekta ili je objekt već izgrađen, vlasnik zemljišta - Grad Tuzla nema obavezu obeštećenja nosioca prava građenja.

Član 5.

- (1) Nosilac prava građenja je u obavezi da u roku od 15 (petnaest) dana od dana zaključenja ugovora o osnivanju prava građenja od nadležne službe gradske uprave zatraži dopunu rješenja o urbanističkoj saglasnosti sa svim potrebnim podacima koji su relevantni za odobravanje građenja.
- (2) U izuzetnim slučajevima, zbog opravdanih okolnosti koje nadležna služba cijeni u svakom konkretnom slučaju, rok iz prethodnog stava ovog člana može biti i duži, ali ne duži od 30 dana.
- (3) U slučaju proteka roka iz stava (1) i (2) ovog člana, smatrat će se da je nosilac prava građenja jednostrano raskinuo zaključeni ugovor te će o proteku pomenutog roka, Služba za prostorno uređenje i zaštitu okoline obavijestiti Gradsko pravobranilaštvo Tuzla i Službu za ekonomski razvoj, poduzetništvo i poljoprivredu u cilju donošenja odluke o ukidanju prava građenja.
- (4) Ukoliko nosilac prava građenja ne ispuni uslove iz člana 5. Odluke o opterećenju zemljišta s pravom građenja na lokalitetu Poslovne zone Kreka Sjever u Tuzli putem javnog nadmetanja – licitacije („Službeni glasnik Grada Tuzla“, broj 11/19. i 1/20.) ili u postupku izdavanja urbanističke saglasnosti ne pribavi okolinsku dozvolu izdatu od strane nadležnog ministarstva za slučaj kada namjena građevine ili drugi zahvat u prostoru može imati značajan uticaj na okolicu i kada se nalazi na spisku objekata za koju je potrebno dobiti okolinsku dozvolu od nadležnog ministarstva, donijet će se odluka o ukidanju zasnovanog prava građenja a nosilac prava građenja se obavezuje da će po pozivu vlasnika zemljišta pristupiti zaključenju notarski obrađenog sporazumnog raskida zaključenog ugovora o osnivanju prava građenja.
- (5) Odluku o ukidanju prava građenja, iz prethodnog stava, donosi Gradsko vijeće Tuzla, na prijedlog Gradonačelnika Grada Tuzla, a po inicijativi

Službe za ekonomski razvoj, poduzetništvo i poljoprivredu.

Član 6.

- (1) Nosilac prava građenja je u obavezi da, nakon pravosnažnosti odobrenja za građenje pribavljenog od strane nadležne službe, započne radove na objektu u roku od 12 mjeseci od dana pravosnažnosti odobrenja za građenje te otvori najmanje jedno radno mjesto na 100 m² bruto površine građevinske parcele na kojoj je planirana izgradnja poslovnog objekta.
- (2) Odobrenje za građenje prestaje važiti ako se s radovima na građevini za koju je izdano odobrenje za građenje ne započne u roku navedenom u prethodnom stavu ovog člana.
- (3) Važenje odobrenja za građenje može se posebnim rješenjem, po zahtjevu investitora podnesenog najmanje 15 dana prije prestanka važenja tog odobrenja, produžiti za još jednu godinu ako se nisu promijenili uvjeti prema kojima je izdano ranije odobrenje za građenje.
- (4) Najpovoljniji ponuđač je dužan u izgrađenom objektu obavljati registrovanu proizvodnu i prerađivačku djelatnost određenu prema Odluci o klasifikaciji djelatnosti BiH 2010 („Službeni glasnik BiH“, br. 47/10.), odnosno „HEEZ TRANSPORT“ doo Tuzla je dužan u izgrađenim objektima na nekretninama iz člana 1. ove Odluke obavljati registrovanu djelatnost naznačenu u Aktuelnom izvodu iz sudskog registra od 25. 12. 2019. godine s navedenom šifrom djelatnosti 22.23-proizvodnja proizvoda od plastičnih masa za građevinarstvo.
- (5) Objekt, čija je namjena utvrđena u prethodnom stavu, za koji je izdato odobrenje za građenje, smije se početi koristiti, odnosno staviti u pogon te izdati rješenje za obavljanje djelatnosti po posebnom propisu tek nakon što nadležna služba za upravu izda dozvolu za njenu upotrebu na temelju prethodno izvršenog tehničkog pregleda građevine.

Član 7.

Zabranjuje se najpovoljnijem ponuđaču da zagrijavanje prostorija izgrađenog poslovnog objekta vrši spaljivanjem štetnih i otrovnih nus proizvoda pri proizvodnji finalnog proizvoda svoje djelatnosti, ili da zagrijavanje vrši fosilnim gorivima.

Član 8.

- (1) Ukoliko nosilac prava građenja ne bude poštovao obavezu iz prethodnog člana, donijet će se odluka o ukidanju zasnovanog prava građenja a nosilac prava građenja se obavezuje da će po pozivu vlasnika zemljišta – Grada Tuzla pristupiti zaključenju notarski obrađenog sporazumnog raskida zaključenog ugovora o osnivanju prava građenja.
- (2) Ukoliko nastupe činjenice iz prethodnog člana ove Odluke i ukoliko se nosilac prava građenja ne

odazove pozivu vlasnika zemljišta – Grada Tuzla za pristupanje zaključenja notarski obrađenog sporazumnog raskida zaključenog ugovora o osnivanju prava građenja, nosilac prava građenja će neopozivo izjaviti da je saglasan da vlasnik zemljišta – Grad Tuzla može, u posebnoj notarski obrađenoj ispravi, na zapisnik kod notara dati izjavu o jednostranom raskidu ugovora, zbog nastupanja uslova za raskid istog, odnosno proteka roka za dobrovoljno izvršenje obaveze te da je ujedno nosilac prava građenja saglasan da se upisano pravo građenja briše iz zemljišne knjige i ovlašćuje vlasnika zemljišta – Grad Tuzlu da podnese zahtjev za brisanje upisanog prava građenja.

- (3) Grad Tuzla će, u roku od 30 dana od dana raskida ugovora, pozvati nosioca prava građenja da o svom trošku i riziku ukloni započete izvedene objekte ili dijelove objek(a)ta.
- (4) Odluku iz stava (1) ovog člana donosi Gradsko vijeće Tuzla, na prijedlog Gradonačelnika Grada Tuzla, a po inicijativi Službe za ekonomski razvoj, poduzetništvo i poljoprivredu

Član 9.

Ukoliko je do raskida ugovora o osnivanju prava građenja došlo krivicom nosioca prava građenja prije isteka vremenskog perioda na koji je zaključen te ukoliko pravo građenja prestane odreknućem nosioca prava građenja, vlasnik nekretnine - Grad Tuzla nema obavezu obeštećenja nosioca prava građenja.

Član 10.

Uspostavljeno pravo građenja može se prenositi na druge osobe i opteretiti samo uz prethodnu pisanu saglasnost Gradskog vijeća Tuzla.

Nosilac prava građenja koji je ostvario pravo građenja ne može se odreći tog prava bez saglasnosti Grada Tuzla, kao vlasnika nekretnine koja je opterećena.

Član 11.

Nakon zaključenja ugovora o osnivanju prava građenja, nosilac prava građenja će se uvesti u posjed nekretnine na kojoj je to pravo građenja uspostavljeno, o čemu će se sastaviti zapisnik.

Član 12.

(1) Nakon zaključenja ugovora o uspostavi prava građenja, zadužuje se Služba za prostorno uređenje i zaštitu okoline za praćenje realizacije dijela ugovora koji se odnosi na pribavljanje neophodnih dozvola za gradnju objekta.

(2) Služba za ekonomski razvoj, poduzetništvo i poljoprivredu se zadužuje za praćenje realizacije zaključenih ugovora o pravu građenja u dijelu koji se odnosi na blagovremenu uplatu zakupnina za nekretnine opterećene pravom građenja utvrđene u članu 1. ove Odluke, kao i u dijelu kojim je utvrđena djelatnost koja će se obavljati u objektu radi čije je izgradnje uspostavljeno

pravo građenja te obaveze zapošljavanja, a na način kako je to regulisano u članu 6. ove Odluke.

Član 13.

Odluka stupa na snagu danom donošenja, a ista će se objaviti u „Službenom glasniku Grada Tuzla“.

GRAD TUZLA
Gradsko vijeće

Broj: 01/27-A-5212-2020
5. maj 2020. godine

PREDSJEDAJUĆI

Nataša Perić



10

Na osnovu člana 7. stav 4. Zakona o stvarnim pravima Federacije Bosne i Hercegovine („Službene novine Federacije Bosne i Hercegovine“, broj 66/13. i 100/13.), člana 10. stav 3., a u vezi s članom 13. stav 4. Zakona o cestama Federacije Bosne i Hercegovine („Službene novine Federacije Bosne i Hercegovine“, broj 2/10., 16/10. i 66/13.) te člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.) Gradsko vijeće Grada Tuzla, na sjednici od 5. maja 2020. godine, donosi

ODLUKU

o promjeni statusa nepokretnosti

Član 1.

Utvrđuje se da je izgubilo status javnog dobra zemljište označeno kao:

- k.č. broj 2539/1, zv. Ši Selo, prilazni put, površine 511 m² i

- k.č. broj 2539/12, zv. Ši Selo, prilazni put, površine 42 m², obje upisane u posjedovni list broj 289 KO Tuzla III u posjedu „Putevi“ s dijelom od 1/1 i upisane u zk. ul. broj 2776 KO Tuzla III, kao javno dobro - Iskaz I.

Član 2.

Po zahtjevu Grada Tuzla, Općinski sud u Tuzli – Zemljišnoknjižni ured i Služba za geodetske i imovinsko-pravne poslove Grada Tuzla, na zemljištu označenom u članu 1. ove Odluke, brisat će ranije izvršene upise i isto upisati kao zemljište u posjedu i vlasništvu Grada Tuzla, s dijelom od 1/1.

Član 3.

Odluka stupa na snagu danom objavljivanja u "Službenom glasniku Grada Tuzla".

GRAD TUZLA
Gradsko vijeće

Broj: 01/07-27-7355/20
5. maj 2020. godine

PREDSJEDAJUĆI

Nataša Perić



11

Na osnovu člana 7. stav 4. Zakona o stvarnim pravima Federacije Bosne i Hercegovine („Službene novine Federacije Bosne i Hercegovine“, broj 66/13. i 100/13.), člana 10. stav 3., a u vezi s članom 13. stav 4. Zakona o cestama Federacije Bosne i Hercegovine („Službene novine Federacije Bosne i Hercegovine“, broj 2/10., 16/10. i 66/13.) te člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.) Gradsko vijeće Grada Tuzla, na sjednici od 5. maja 2020. godine, donosi:

**ODLUKU
o promjeni statusa nepokretnosti**

Član 1.

Utvrđuje se da je izgubilo status javnog dobra zemljište označeno kao:

- k.č. broj 3., zv. Livnica, prilazni put, površine 1.208 m² i upisana u posjedovni list broj 243 KO Tuzla IV u posjedu „Putevi“ s dijelom od 1/1 i upisana u zk. ul. broj 3188 KO Tuzla IV, kao javno dobro - Iskaz I.

Član 2.

Po zahtjevu Grada Tuzla, Općinski sud u Tuzli – Zemljišnoknjižni ured i Služba za geodetske i imovinsko-pravne poslove Grada Tuzla, na zemljištu označenom u članu 1. ove Odluke, brisat će ranije izvršene upise u isto upisati kao zemljište u posjedu i vlasništvu Grada Tuzla, s dijelom od 1/1.

Član 3.

Odluka stupa na snagu danom objavljivanja u „Službenom glasniku Grada Tuzla“.

GRAD TUZLA
Gradsko vijeće
Broj: 01/07-27-8381-2020
5. maj 2020. godine

PREDSJEDAJUĆI
Nataša Perić

12

Na osnovu član 9. Zakona o ministarskim, vladinim i drugim imenovanjima („Službene novine Federacije Bosne i Hercegovine“, broj 12/03., 34/03. i 65/13.), člana 10. Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla („Službeni glasnik Grada Tuzla“, broj 11/15. i 1/20.) i člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.),

Gradsko vijeće Grada Tuzla, na sjednici od 5. maja 2020. godine, donosi

**RJEŠENJE
o imenovanju Komisije za izbor člana Nadzornog
odbora iz reda državnog kapitala u DD Centralno
grijanje Tuzla**

I

U Komisiju za izbor člana Nadzornog odbora iz reda državnog kapitala u DD Centralno grijanje Tuzla (u daljem tekstu: Komisija), imenuju se:

1. Mirela Jusupović, predsjednik.
2. Sabina Mešić, član.
3. Eldina Čustović, član.
4. Nevres Kamberović, član.
5. Admir Ahmetović, član.

II

Zadatak Komisije je da, u skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03., 34/03. i 65/13.), članom 5. Uredbe o vršenju ovlaštenja u privrednim društvima s učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj 11/19.) i članom 10. Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla („Službeni glasnik Grada Tuzla“, broj 11/15. i 1/20.), provede postupak izbora kandidata za člana Nadzornog odbora iz reda državnog kapitala u DD Centralno grijanje Tuzla.

III

Komisija u okviru svojih nadležnosti obavlja sljedeće poslove:

- vrši pregled prijava kandidata,
- provodi intervju sa prijavljenim kandidatima,
- u skladu s Odlukom Gradskog vijeća o kriterijima za izbor i imenovanje člana Nadzornog odbora iz reda državnog kapitala u DD Centralno grijanje” Tuzla, boduje kandidate i
- sačinjava rang listu kandidata, koju zajedno sa zapisnikom i kopijom svih prijava kandidata i dostavljenih dokaza prosljeđuje Gradskom vijeću.

IV

Poslove i radne zadatke iz tačke II i III ovog Rješenja, Komisija će obavljati u radno vrijeme.

V

Rješenje stupa na snagu narednog dana od dana objavljivanja u „Službenom glasniku Grada Tuzla“.

GRAD TUZLA **PREDSJEDAVALAČI**
Gradsko vijeće
Broj: 01/15-A-5224-2020 **Nataša Perić**
5. maj 2020. godine

13

Na osnovu člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla”, broj 1/14., 3/15., 7/15. i 12/15.), a u vezi s članom 83.c Statuta Općine Tuzla („Službeni glasnik Općine Tuzla“, broj 2/99., 9/00., 2/08. i 12/09.), Gradsko vijeće Grada Tuzla, na prijedlog Komisije za izbor i imenovanja, na sjednici od 5. maja 2020. godine, donosi

RJEŠENJE

o razrješenju člana Savjeta Mjesne zajednice Ljubače

I

Razrješava se dužnosti člana Savjeta Mjesne zajednice Ljubače, Muamer Demirović.

II

Rješenje će se objaviti u „Službenom glasniku Grada Tuzla“.

GRAD TUZLA **PREDSJEDAVALAČI**
Gradsko vijeće
Broj: 01/04-A-5213 -2020 **Nataša Perić**
5. maj 2020. godine

14

Na osnovu člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla”, broj 1/14., 3/15., 7/15. i 12/15.), a u vezi s članom 83.c Statuta Općine Tuzla („Službeni glasnik Općine Tuzla“, broj 2/99., 9/00., 2/08. i 12/09.), Gradsko vijeće Grada Tuzla, na prijedlog Komisije za izbor i imenovanja, na sjednici od 5. maja 2020. godine, donosi

RJEŠENJE

o razrješenju člana Savjeta Mjesne zajednice Novi Grad I

I

Razrješava se dužnosti člana Savjeta Mjesne zajednice Novi Grad I, Fatima Nišić.

II

Rješenje će se objaviti u „Službenom glasniku Grada Tuzla“.

GRAD TUZLA **PREDSJEDAVALAČI**
Gradsko vijeće
Broj: 01/04-A-5208 -2020 **Nataša Perić**
5. maj 2020. godine

15

Na osnovu člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla”, broj 1/14., 3/15., 7/15. i 12/15.), a u vezi s članom 83.c Statuta Općine Tuzla („Službeni glasnik Općine Tuzla“, broj 2/99., 9/00., 2/08. i 12/09.), Gradsko vijeće Grada Tuzla, na prijedlog Komisije za izbor i imenovanja, na sjednici od 5. maja 2020. godine, donosi

RJEŠENJE

o izboru člana Savjeta Mjesne zajednice Ljubače

I

Bira se na dužnost člana Savjeta Mjesne zajednice Ljubače (u daljem tekstu: Savjet), Dalibor Kovačević.

II

Mandat člana Savjeta traje četiri godine, odnosno do isteka mandata u sazivu Gradskog vijeća Grada Tuzla u kojem su organi mjesne zajednice izabrani.

III

Rješenje će se objaviti u „Službenom glasniku Grada Tuzla“.

GRAD TUZLA **PREDSJEDAVALAČI**
Gradsko vijeće
Broj: 01/04-A-5208 -2020 **Nataša Perić**
5. maj 2020. godine

16

Na osnovu člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla”, broj 1/14., 3/15., 7/15. i 12/15.), a u vezi s članom 83.c Statuta Općine Tuzla („Službeni glasnik Općine Tuzla“, broj 2/99., 9/00., 2/08. i 12/09.), Gradsko vijeće Grada Tuzla, na prijedlog Komisije za izbor i imenovanja, na sjednici od 5. maja 2020. godine, donosi

RJEŠENJE

o izboru člana Savjeta Mjesne zajednice Novi Grad I

I

Bira se na dužnost člana Savjeta Mjesne zajednice Novi Grad I (u daljem tekstu: Savjet), Naser Omanović.

II

Mandat člana Savjeta traje četiri godine, odnosno do isteka mandata u sazivu Gradskog vijeća Grada Tuzla u kojem su organi mjesne zajednice izabrani.

III

Rješenje će se objaviti u „Službenom glasniku Grada Tuzla“.

GRAD TUZLA

Gradsko vijeće

Broj: 01/04-A-5210 -2020

5. maj 2020. godine

PREDSJEDAVAJUĆI

Nataša Perić



II AKTI GRADONAČELNIKA GRADA TUZLA

1

Na osnovu člana 59. Zakona o budžetima u Federaciji Bosne i Hercegovine („Službene novine Federacije BiH“, broj 102/13., 9/14., 13/14., 8/15., 91/15., 102/15., 104/16., 5/18., 11/19. i 99/19.), člana 7. Statutarne Odluke o organizaciji Grada Tuzla u skladu sa zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.) i člana 15. Odluke o izvršavanju Budžeta Grada Tuzla za 2020. godinu („Službeni glasnik Grada Tuzla“, broj 12/19.), Gradonačelnik Grada Tuzla, donosi

ODLUKU

o prestruktuiranju rashoda Budžeta Grada Tuzla za period 1. 1. - 31. 12. 2020. godine

Član 1.

U dijelu „II POSEBAN DIO“ u organizacionoj jedinici –

SLUŽBA ZA BUDŽET I FINANSIJE

- Ekonomski kod „611100 - Bruto plaće“, u koloni 10. iznos od 757.000,00 KM zamjenjuje se iznosom od 737.000,00 KM
- U redu „SLUŽBA ZA BUDŽET I FINANSIJE“, u koloni 10. iznos od 1.262.173,92 KM zamjenjuje se iznosom od 1.242.173,92 KM

SLUŽBA ZA KOMUNALNE POSLOVE, IZGRADNJU I POSLOVE MZ

- Ekonomski kod „613976-4 - Ostale ugovorene usluge“, u koloni 10. iznos od 5.000,00 KM zamjenjuje se iznosom od 8.000,00 KM
- U redu „SLUŽBA ZA KOMUNALNE POSLOVE, IZGRADNJU I POSLOVE MZ-a“, u koloni 10. iznos od 654.946,00 KM zamjenjuje se iznosom od 657.946,00 KM

ODJELJENJE ZA KOMUNALNU INFRASTRUKTURU

- Ekonomski kod „613991-13 - Usluge izdavanja saglasnosti za projekte komunalne infrastrukture“, u koloni 10. iznos od 20.000,00 KM zamjenjuje se iznosom od 17.000,00 KM

- Ekonomski kod „616331 - Kamate na pozajmice od domaćih finansijskih institucija“, u koloni 10. iznos od 170.000,00 KM zamjenjuje se iznosom od 317.000,00 KM
- U redu „ODJELJENJE ZA KOMUNALNU INFRASTRUKTURU“, u koloni 10. iznos od 8.936.667,36 KM zamjenjuje se iznosom od 9.080.667,36 KM

SLUŽBA ZA GEODETSKE I IMOVINSKO-PRAVNE POSLOVE

- Ekonomski kod „821500 - Ostala stalna sredstva u obliku prava“, u koloni 10. iznos od 65.000,00 KM zamjenjuje se iznosom od 5.000,00 KM
- U redu „SLUŽBA ZA GEODETSKE I IMOVINSKO-PRAVNE POSLOVE“, u koloni 10. iznos od 953.000,00 KM zamjenjuje se iznosom od 893.000,00 KM

SLUŽBA ZA INSPEKCIJSKE POSLOVE

- Ekonomski kod „611100 - Bruto plaće“, u koloni 10. iznos od 963.500,00 KM zamjenjuje se iznosom od 933.500,00 KM
- U redu „SLUŽBA ZA INSPEKCIJSKE POSLOVE“, u koloni 10. iznos od 1.294.000,00 KM zamjenjuje se iznosom od 1.264.000,00 KM

SLUŽBA ZA OPĆU UPRAVU I ZAJEDNIČKE POSLOVE

- Ekonomski kod „611100 - Bruto plaće“, u koloni 10. iznos od 1.481.500,00 KM zamjenjuje se iznosom od 1.444.500,00 KM
- U redu „SLUŽBA ZA OPĆU UPRAVU I ZAJEDNIČKE POSLOVE“, u koloni 10. iznos od 2.938.518,41 KM zamjenjuje se iznosom od 2.901.518,41 KM

SLUŽBA ZA BORAČKO-INVALIDSKU ZAŠTITU, STAMBENE POSLOVE I INTEGRACIJU RASELJENIH LICA

- Ekonomski kod „613910 - Ugovorene usluge“, u koloni 10. iznos od 2.000,00 KM zamjenjuje se iznosom od 2.800,00 KM

- Ekonomski kod „821300 - Nabavka opreme“, u koloni 10. iznos od 6.000,00 KM zamjenjuje se iznosom od 5.200,00 KM

Član 2.

Zadužuje se Služba za budžet i finansije da usaglasi Budžet Grada Tuzla za 2020. godinu u skladu sačlanom 1. ove Odluke.

Član 3.

Odluka stupa na snagu danom objavljivanja u „Službenom glasniku Grada Tuzla“, a primjenjivat će se za fiskalnu 2020. godinu.

GRAD TUZLA

GRADONAČELNIK

Gradonačelnik

Broj: 02/11-A-5143-2020

Jasmin Imamović

4. maj 2020. godine

2

Na osnovu člana 7. Statutarne Odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), člana 9. Odluke o izvršavanju Budžeta Grada Tuzla za 2020. godinu („Službeni glasnik Grada Tuzla“, broj 12/19.), a u vezi sa Zahtjevom Službe civilne zaštite, broj: 11-11-162/20 od 20. 4. 2020. godine i Sporazumom Konzorcija o projektu br. 873108 COMMAND D od 3. 3. 2020. godine, Gradonačelnik Grada Tuzla donosi

ODLUKU

o usmjeravanju neplaniranih namjenskih sredstava u Budžet Grada Tuzla za 2020. godinu

Član 1.

Odobrava se usmjeravanje neplaniranih namjenskih sredstava u Budžet Grada Tuzla za 2020. godinu, na ime „Potpora za projekat COMMAND D“, u iznosu od 63.807,49 KM. Navedena sredstva su uplaćena od strane EU, dana 20. 3. 2020. godine.

Član 2.

Sredstva iz člana 1. ove Odluke se usmjeravaju u Budžet Grada Tuzla za 2020. godinu u dijelu plana prihoda po osnovu vlastitih prihoda, tekućih transfera i donacija na:

- novi ekonomski kod „V/731121 – Priljeni tekući transferi od međunarodnih organizacija“ u iznosu od 57.372,79 KM
- novi ekonomski kod „V/741121 – Priljeni kapitalni transferi od međunarodnih organizacija“ u iznosu od 6.434,70 KM.

– Služba civilne zaštite

Za iznos sredstava, iz člana 1. ove Odluke, izvršit će se povećanje plana rashoda u dijelu rasporeda prihoda po

osnovu vlastitih prihoda, tekućih transfera i donacija, na budžetskoj organizaciji broj: 1201001, i to:

- novi ekonomski kod: „V/613100 – Putni troškovi“ u iznosu od 1.952,99 KM
 - novi ekonomski kod: „V/613400 – Nabavka materijala“ u iznosu od 4.947,93 KM
 - novi ekonomski kod: „V/613500 – Izdaci za usluge prevoza i goriva“ u iznosu od 2.800,00 KM
 - novi ekonomski kod: „V/613910 – Ugovorene usluge“ u iznosu od 13.006,26 KM
 - novi ekonomski kod: „V/613976-4 – Ostale ugovorene usluge“ u iznosu od 34.665,61 KM
 - novi ekonomski kod: „V/821300 – Nabavka opreme“ u iznosu od 6.434,70 KM
- Služba civilne zaštite

Član 3.

Za realizaciju ove Odluke se zadužuje Služba za budžet i finansije i Služba civilne zaštite.

Član 4.

Odluka stupa na snagu sljedećeg dana od dana objavljivanja u „Službenom glasniku Grada Tuzla“.

GRAD TUZLA

GRADONAČELNIK

Gradonačelnik

Broj: 02/11-A-5024-2020

Jasmin Imamović

27. april 2020. godine

3

Na osnovu članova 60. i 61. Zakona o budžetima u Federaciji Bosne i Hercegovine („Službene novine Federacije BiH“, broj 102/13., 9/14., 13/14., 91/15., 102/15., 104/16., 5/18., 11/19. i 99/19.), člana 7. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.) i člana 14. Odluke o izvršavanju Budžeta Grada Tuzla za 2020. godinu („Službeni glasnik Grada Tuzla“, broj 12/19.), a u vezi s Prijedlogom Gradonačelnika, broj: 02-116-3-2020 SD od 27. 3. 2020. godine i aktom JZNU Dom zdravlja „Dr. Mustafa Šehović“ Tuzla, broj:01-1849-1/2020 od 25. 3. 2020. godine, Gradonačelnik Grada Tuzla donosi

ODLUKU

o izdvajanju sredstava iz Tekuće rezerve Budžeta Grada Tuzla za 2020. godinu, JZNU Dom zdravlja „Dr. Mustafa Šehović“ Tuzla

I

Odobrava se izdvajanje novčanih sredstava iz Budžeta grada Tuzla za 2020. godinu, pozicija „Tekuća rezerva Budžeta“, u iznosu od 14.600,00 KM (četnaest hiljada i šest stotna konvertibilna maraka).

II

Sredstva iz tačke I ove Odluke izdvajaju se JZNU Dom zdravlja „Dr. Mustafa Šehović“ Tuzla, na ime nabavke

dezinfekcionih sredstava, maski, rukavica i ostale zaštitne opreme, imajući u vidu trenutnu kompleksnu epidemiološku situaciju te činjenicu da je proglašeno stanje nesreće uzrokovane pojavom koronavirusa .

I

Za izvršenje ove Odluke se zadužuje Služba za budžet i finansije, koja će navedena sredstva, u tački I ove Odluke, uplatiti na račun JZNU Dom zdravlja „Dr. Mustafa Šehović“ Tuzla, broj: 132-100-01130200-43, otvoren kod NLB Banka.

IV

Zadužuje se JZNU Dom zdravlja „Dr. Mustafa Šehović“ Tuzla da Stručnoj službi za poslove Gradonačelnika podnese izvještaj o utrošku sredstava iz tačke I ove Odluke.

V

Odluka stupa na snagu danom donošenja i bit će objavljena u „Službenom glasniku Grada Tuzla“.

GRAD TUZLA
Gradonačelnik

Broj: 02/11-A-1610-2020
27. mart 2020. godine

GRADONAČELNIK

Jasmin Imamović

4

Na osnovu članova 60. i 61. Zakona o budžetima u Federaciji Bosne i Hercegovine („Službene novine Federacije BiH“, broj 102/13., 9/14., 13/14., 91/15., 102/15., 104/16., 5/18., 11/19. i 99/19.), člana 7. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.) i člana 14. Odluke o izvršavanju Budžeta Grada Tuzla za 2020. godinu („Službeni glasnik Grada Tuzla“, broj 12/19.), a u vezi s Prijedlogom Gradonačelnika, broj: 02-133-4-2020 od 30. 4. 2020. godine i Zahtjevom Opštine Srebrenica, broj: 01-014-50/20, od 15. 4. 2020. godine, Gradonačelnik Grada Tuzla donosi

ODLUKU

o izdvajanju sredstava iz Tekuće rezerve Budžeta Grada Tuzla za 2020. godinu, Opštini Srebrenica

I

Odobrava se izdvajanje novčanih sredstava iz Budžeta grada Tuzla za 2020. godinu, pozicija „Tekuća rezerva Budžeta“, u iznosu od 5.000,00 KM (pet hiljada konvertibilnihmaraka).

II

Sredstva iz tačke I ove Odluke se izdvajaju Opštini Srebrenica, Organizacionom odboru za obilježavanje 11. jula 1995. godine, 25. godišnjice genocida nad Bošnjacima

„Sigurne zone UN-a“ Srebrenica i ukop identifikovanih žrtava iz jula 1995. godine, kao pomoć za realizaciju Programa obilježavanja 25. godišnjice.

III

Za izvršenje ove Odluke se zadužuje Služba za budžet i finansije, koja će navedena sredstva u tački I ove Odluke uplatiti na račun Opština Srebrenica, broj: 551-015-00011222-15, otvoren kod UniCredit Banke Banja Luka.

IV

Odluka stupa na snagu danom donošenja i bit će objavljena u „Službenom glasniku Grada Tuzla“.

GRAD TUZLA
Gradonačelnik

Broj: 02/11-A-5110-2020
30. april 2020. godine

GRADONAČELNIK

Jasmin Imamović

5

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06. i 51/09.) i člana 7. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), a u vezi s Odlukom Vlade Federacije BiH o proglašenju stanja nesreće uzrokovano pojavom koronavirusa (COVID-19) na području Federacije BiH, V. broj: 408/2020 od 16. 3. 2020. godine, Gradonačelnik Grada Tuzla, donosi

ODLUKU

o pojednostavljenju procesa pribavljanja dokumentacije u postupku ostvarivanja prava na obavezno zdravstveno osiguranje osoba koje su u stanju socijalne potrebe za vrijeme trajanja stanja nesreće uzrokovano pojavom koronavirusa (COVID-19)

Član 1.

Za vrijeme trajanja stanja nesreće proglašene Odlukom Vlade Federacije BiH o proglašenju stanja nesreće uzrokovano pojavom koronavirusa (COVID-19) na području Federacije BiH, V. broj: 408/2020 od 16. 3. 2020. godine i Odlukom o proglašenju stanja nesreće uzrokovano pojavom koronavirusa (COVID-19) na području Grada Tuzla broj: 02-107-03-2020 od 19. 3. 2020. godine, u skladu s naredbama i preporukama Federalnog štaba civilne zaštite, Kantonalnog štaba civilne zaštite i Gradskog štaba civilne zaštite Tuzla o ograničenom kretanju građana, primjenjivat će se pojednostavljena procedura pribavljanja dokumentacije u postupku za ostvarivanje prava na uplatu doprinosa za obavezno zdravstveno osiguranje za osobe koje su u stanju socijalne potrebe a nisu osigurane po drugom osnovu.

Član 2.

(1) Izuzetno od odredbi člana 5. stav 1. Pravilnika o postupku za ostvarivanje prava na obavezno zdravstveno osiguranje osoba koje su u stanju socijalne potrebe („Službeni glasnik Grada Tuzla“, broj 1/19.) (u daljem tekstu: Pravilnik), ukoliko podnosioci zahtjeva za ostvarivanje prava na uplatu doprinosa za obavezno zdravstveno osiguranje, usljed ograničenja kretanja i rada nadležnih institucija, nisu u mogućnosti pribaviti i uz zahtjev dostaviti potrebnu dokumentaciju, dokumentaciju će po službenoj dužnosti probaviti nadležna Služba, i to dokumentaciju iz člana 5. stav 1. tačka a) Pravilnika (obrazac PBA 3 - dokaz o prebivalištu na području Grada Tuzla), dokumentaciju iz člana 5. stav 1. tačka b) Pravilnika (uvjerenje Službe za zapošljavanje iz kojeg je vidljivo da podnosilac zahtjeva nije zdravstveno osiguran kao nezaposleno lice) i dokumentaciju iz člana 5. stav 1. tačka c) Pravilnika (uvjerenje nadležne poslovнице Zavoda za zdravstveno osiguranje Tuzlanskog kantona da podnosilac zahtjeva nije osiguran po drugom osnovu).

(2) Nadležna Služba će podatke o činjenicama, koje se dokazuju dokumentacijom iz prethodnog stava ovog člana, pribaviti po službenoj dužnosti u saradnji sa JU Centar za socijalni rad Tuzla, JU Služba za zapošljavanje TK – Biro Tuzla i Zavodom zdravstvenog osiguranja Tuzlanskog kantona.

Član 3.

Odluka stupa na snagu narednog dana od dana objavljivanja u „Službenom glasniku Grada Tuzla“ i primjenjivat će se dok su na snazi naredbe i preporuke Federalnog štaba civilne zaštite, Kantonalnog štaba civilne zaštite i Gradskog štaba civilne zaštite Tuzla o ograničenom kretanju građana, a najkasnije do proglašenja prestanka stanja nesreće uzrokovanog pojavom koronavirusa (COVID-19) od strane nadležnih organa.

GRAD TUZLA

Gradonačelnik

Broj: 02/11-A-5110-2020

30. april 2020. godine

GRADONAČELNIK

Jasmin Imamović

6

Na osnovu člana 7. Statutarne Odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), člana 19. stav 6. Odluke o sanadbijevanju Grada toplotnom energijom („Službeni glasnik Grada Tuzla“, broj 10/17., 11/17. i 1/19.), u skladu s članom 35. Odluke o izvršavanju Budžeta Grada Tuzla za 2020. godinu („Službeni glasnik Grada Tuzla“, broj 12/19.), na prijedlog Službe za komunalne poslove, izgradnju i poslove mjesnih zajednica broj: 05-01-23-586/20 od 14.4.2020. godine, Gradonačelnik Grada Tuzla, donosi

ODLUKU

o dodjeli sredstava za potrebe nabavke i ugradnje mjerno regulacionih stanica i kompaktno toplinskih podstanica

Član 1.

Odobrava se dodjela novčanih sredstva iz Budžeta Grada Tuzla za 2020. godinu, s ekonomske pozicije 05-05-615211-7 - „Grantovi za nabavku i ugradnju toplotnih mjerno regulacionih stanica i za troškove angažovanog kapaciteta u mjesnim zajednicama Šiški Brod, Bukinje i Husino“, u ukupnom iznosu od 36.271,52 KM bez PDV-a, odnosno 42.437,68 KM s PDV-om.

Član 2.

Sredstva iz člana 1. ove Odluke se dodjeljuju se za potrebe nabavke i ugradnje šest (6) toplotnih mjerno regulacionih stanica (u daljem tekstu: MRS) i dvije (2) kompaktno toplinske podstanice (u daljem tekstu: KTP) u individualne stambene objekte u mjesnim zajednicama Šiški Brod i Bukinje, u ime i za račun vlasnika, odnosno posjednika istih, u iskazanim vrijednostima bez uračunatog PDV-a, kako slijedi:

1. Mensura Konkić, ul. Branilaca Tuzle 60, vrijednost MRS = 3.418,50 KM
2. Senad Kendić, ul. Majska – Šiški Brod 68, vrijednost MRS = 3.335,85 KM
3. Manda i Romeo Mitrović, ul. Branilaca Tuzle 160, vrijednost MRS = 3.272,02 KM
4. Branko Banović, ul. Branilaca Tuzle 166, vrijednost MRS = 3.109,70 KM
5. Nikola Đulabić, ul. Branilaca Tuzle br. 112, vrijednost MRS = 3.099,50 KM
6. Nihad Mehmedović, ul. Majska do 122, vrijednost MRS = 3.121,55 KM
7. Mehmed Salihović, ul. 21. aprila do 90, vrijednost KTP = 8.444,80 KM
8. Kemal Salihović, ul. 21. aprila 90, vrijednost KTP = 8.469,60 KM

Član 3.

Za izvršenje ove Odluke se zadužuje Služba za budžet i finansije, koja će sredstva iz člana 1. Odluke u ime i za račun lica iz člana 2. Odluke uplatiti na račun JKP Centralno grijanje d.d. Tuzla, po dostavljanju od strane ove Službe zahtjeva JKP Centralno grijanje d.d. Tuzla za prenos sredstava, zajedno s dokazom o izvršenoj nabavci i ugradnji mjerno regulacionih stanica i kompaktno toplinskih podstanica, odnosno fakturom dostavljenoj JKP Centralno grijanje d.d. Tuzla od strane isporučioaca i fakturama na ime lica iz člana 2. Odluke u čije ime i za čiji račun su dodjeljena sredstva iz člana 1. Odluke.

Član 4.

Odluka stupa na snagu danom donošenja, a ista će biti objavljena u „Službenom glasniku Grada Tuzla“.

GRAD TUZLA

Gradonačelnik

Broj: 02/11-A-4726-2020

15. april 2020. godine

GRADONAČELNIK

Jasmin Imamović

7

Na osnovu člana 61. stav 2 i člana 70. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05.) i člana 7. stav 1. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14. 3/15., 7/15. i 12/15.), a u vezi s Odlukom o proglašenju stanja nesreće uzrokovano pojavom koronavirusa (COVID 19) na području Grada Tuzla, broj:02-107-03-2020 od 19. 3. 2020. godine, Gradonačelnik Grada Tuzla, donosi

RJEŠENJE

o obrazovanju Tima za koordinaciju ekonomskih mjera za očuvanje stabilnosti Budžeta Grada Tuzla za vrijeme stanja nesreće uzrokovano pandemijom koronavirusa (COVID-19)

I

Za izvršavanje vanrednih poslova i zadataka, koji ne trpe odlaganje i koji su vezani za stanje nesreće uzrokovano pandemijom koronavirusa (COVID-19) proglašenom na teritoriji Grada Tuzla, Odlukom o proglašenju stanja nesreće uzrokovane pojavom koronavirusa (COVID 19) na području Grada Tuzla broj:02-107-03-2020 od 19.03.2020. godine, obrazuje se Tim za koordinaciju ekonomskih mjera za očuvanje stabilnosti Budžeta Grada Tuzla za vrijeme stanja nesreće uzrokovano pandemijom koronavirusa (COVID-19), u sljedećem sastavu:

1. Amra Hamzić, koordinator Tima (savjetodavna uloga)
 2. Suada Isaković, član Tima,
 3. Zijad Lugavić, član Tima.
- Za sekretara Tima se imenuje Omar Ahmić.

II

Zadaci Tima su sljedeći:

- praćenje zakona i podzakonskih akata iz oblasti budžeta i finansija, što uključuje i finansiranje ekonomskih mjera za pomoć privredi i stanovništvu, koji su doneseni ili će biti doneseni na nivou Bosne i Hercegovine, Federacije Bosne i Hercegovine i Tuzlanskog kantona,
- analiziranje kretanja priliva javnih prihoda u Budžet Grada Tuzla (u daljem tekstu: Budžet) i blagovremeno upoznavanje Gradonačelnika o pojavama i problemima, koje mogu izazvati smanjenje javnih prihoda u Budžetu,
- u koordinaciji sa svim budžetskim korisnicima davanje preporuka Gradonačelniku za prioritarna plaćanja u uslovima eventualno značajno smanjenog priliva javnih prihoda u Budžet,
- davanje preporuka za pružanje pomoći u finansiranju djelatnosti koje pružaju javne ustanove i javna preduzeća čiji je osnivač Grad Tuzla i
- obavljanje drugih poslova po nalogu Gradonačelnika.

Radi operativnijeg rada, Tim može formirati radne grupe i po potrebi angažovati druge uposlenike Grada Tuzla za izvršavanje pojedinih poslova.

III

Rješenje će se objaviti u „Službenom glasniku Grada Tuzla“.

GRAD TUZLA

Gradonačelnik

Broj: 02/04-A-4853-2020

20. april 2020. godine

GRADONAČELNIK

Jasmin Imamović

8

Na osnovu člana 15. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06.) i člana 7. Statutarne Odluke o organizaciji Grada Tuzla, u vezi sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), Gradonačelnik Grada Tuzla, donosi

PRAVILNIK

o načinu raspodjele finansijskih sredstava iz Budžeta Grada Tuzla medijskim subjektima

I OPĆE ODREDBE

Član 1.

(1) Ovim Pravilnikom se utvrđuju uslovi, kriteriji i način raspodjele finansijskih sredstava iz Budžeta Grada Tuzla, namijenjenih za podršku medijskim subjektima s područja Grada Tuzla.

(2) Za svaku kalendarsku godinu, nakon usvajanja Budžeta Grada Tuzla, nadležna Služba će donijeti Program utroška sredstava utvrđenih na poziciji „Grantovi za medije“.

II USLOVI I KRITERIJI ZA RASPODJELU SREDSTAVA

Član 2.

Pravo učešća u raspodjeli sredstava, iz člana 1. ovog Pravilnika, imaju poslovni subjekti registrovani kao pravna ili fizička lica koji obavljaju medijsku djelatnost, odnosno proizvode i distribuiraju program putem različitih tehnoloških platformi – štampe, radija, televizije i interneta (u daljem tekstu: aplikanti), a koji ispunjavaju sljedeće uslove:

- a) imaju sjedište i registrovani su na području Grada Tuzla,
- b) raspoložu kadrovskim potencijalima za informisanje građana i
- c) imaju izmirene zakonske obaveze po osnovu javnih prihoda.

Član 3.

U procesu odabira i ocjenjivanja, prednost će imati aplikanti:

- a) koji u planovima programskih sadržaja imaju obuhvaćeno praćenje aktivnosti Gradskog vijeća, Gradonačelnika i gradskih službi Grada Tuzla
- b) koji su u prethodnom periodu izvještavali o aktivnostima Gradskog vijeća, Gradonačelnika i gradskih službi Grada Tuzla.

III POSTUPAK DODJELE SREDSTAVA**Član 4.**

Postupak za raspoređivanje sredstava, iz člana 1. ovog Pravilnika, provodi se putem javnog poziva koji objavljuje Sužba nadležna za saradnju sa medijima (u daljem tekstu: nadležna Služba). Javni poziv ostaje otvoren 15 (petnaest) dana od dana objavljivanja na zvaničnoj internet stranici Grada Tuzla (grad.tuzla.ba).

Član 5.

U postupku prijave na javni poziv aplikanti su dužni popuniti prijavni obrazac, čiji sadržaj utvrđuje nadležna Služba i objavljuje uz javni poziv. Uz popunjen prijavni obrazac aplikanti su dužni dostaviti:

1. Rješenje o registraciji (ovjerena fotokopija).
2. Identifikacioni broj (fotokopija).
3. Ličnu kartu lica ovlaštenog za zastupanje (fotokopija).
4. Zvaničan dokument banke o otvaranju transakcijskog računa aplikanta (fotokopija).
5. Uvjerenje o izmirenim obavezama prema javnim prihodima (original ili ovjerena kopija iz Porezne uprave, ne starije od 30 dana).
6. Završni godišnji finansijski izvještaj za prethodnu godinu (bilans stanja i bilans uspjeha) za pravna lica ili godišnju prijavu poreza na dohodak za fizička lica (fotokopija).
7. Dokaz iz Porezne uprave o broju uposlenih ili izjavu vlasnika medija o broju uposlenika.
8. Opisni izvještaj o realizovanim uslugama po javnom pozivu u prethodnoj godini.
9. Kraći opis medija (vrsta, način rada, programska usmjerenja i kratke biografije aktivno angažovanih novinara).
10. Relevantan dokaz o rezultatima ispitivanja uticaja medija (gledanost/slušanost/čitanost/posjećenost) u prethodnoj godini (ovaj dokaz nije eliminatoran ali je relevantan za bodovanje).

Član 6.

Prijave aplikantata na javni poziv će biti odbačene ukoliko:

- nisu dostavljene u naznačenom roku,
- nisu potpune ili ne sadržavaju validnu dokumentaciju,
- nisu opravdali namjenski utrošak sredstva dodijeljenih iz Budžeta Grada Tuzla u prethodnoj godini,
- nisu dostavili narativni i finansijski izvještaj te dokaz o namjenskom utrošku sredstava odobrenih iz Budžeta Grada Tuzla za prethodnu godinu,
- nisu izmirili obaveze prema javnim prihodima i
- nisu u potpunosti popunili prijavni obrazac

Član 7.

(1) Ocjenjivanje i odabir aplikacija vrši Komisija za ocjenu i odabir koju rješenjem imenuje pomoćnik Gradonačelnika za nadležnu Službu (u daljem tekstu: Komisija). Komisiju čine predsjednik i dva člana koji se imenuju iz reda uposlenika nadležne Službe.

(2) Rješenjem o imenovanju će se pobliže odrediti obaveze i zadaci Komisije. Nakon provjere da li aplikacije zadovoljavaju uslove iz člana 5. i člana 6. ovog Pravilnika, Komisija će iste ocijeniti i rangirati te predložiti iznos sredstava za raspodjelu. Po okončanju aktivnosti Komisija će sačiniti izvještaj o radu i listu o odabiru korisnika. Lista o odabiru korisnika mora sadržavati aplikante koji su ispunili uslove javnog poziva s naznakom predloženog iznosa, kao i aplikante koji nisu ispunili uslove javnog poziva s naznakom koji uslov nije ispunjen.

(3) Komisija je dužna da navedene obaveze i zadatke izvrši najkasnije u roku od 30 (trideset) dana od dana isteka roka javnog poziva.

(4) Komisija dostavlja prijedlog raspodjele sredstava nadležnoj Službi. Na osnovu izvještaja o radu Komisije i liste o odabiru korisnika, pomoćnik Gradonačelnika za nadležnu Službu donosi program raspodjele sredstava.

Član 8.

(1) Nakon donošenja programa raspodjele sredstava iz prethodne tačke, pomoćnik Gradonačelnika za nadležnu Službu će sa odabranim korisnicima sredstava zaključiti ugovore. Ugovor sadrži prava, obaveze, odgovornosti, namjenu dodijeljenih sredstava, način doznačavanja finansijskih sredstava, način praćenja namjenskog trošenja sredstava, elemente narativnog i finansijskog izvještavanja kao i rokove za dostavljanje izvještaja.

(2) Dodijeljena sredstva se doznačavaju u skladu s Programom raspodjele sredstava medijskim subjektima i prilivom sredstava u Budžet Grada Tuzla, a do kraja tekuće budžetske godine.

Član 9.

Monitoring obaveza po potpisanim ugovorima vrši Komisija za praćenje programa medijskih subjekata koju imenuje pomoćnik Gradonačelnika za nadležnu Službu.

Član 10.

Korisnici sredstava, iz člana 1. ovog Pravilnika, dužni su nadležnoj Službi dostaviti izvještaj o realizovanim sadržajima, utvrđenim ugovorom, najkasnije do raspisivanja novog javnog poziva za dodjelu finansijskih sredstava medijskim subjektima.

IV ZAVRŠNE ODREDBE**Član 11.**

Danom stupanja na snagu ovog Pravilnika prestaje da važi Pravilnik o načinu raspodjele finansijskih sredstava iz Budžeta Grada Tuzla medijskim subjektima („Službeni glasnik Grada Tuzla“, broj 2/19.).

Član 12.

Pravilnik stupa na snagu narednog dana od dana objavlivanja u „Službenom glasniku Grada Tuzla“.

GRAD TUZLA

Gradonačelnik

Broj: 02/04-A-4853-2020

20. april 2020. godine

GRADONAČELNIK

Jasmin Imamović

9

Na osnovu člana 62. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05.) i člana 86. Zakona o državnoj službi u Tuzlanskom kantonu („Službene novine TK“, broj 7/17., 10/17., 10/18. i 14/18.), a u skladu s Odlukom o proglašenju stanja nesreće uzrokovano pojavom koronavirusa (COVID-19) na području Federacije Bosne i Hercegovine („Službene novine Federacije BiH“, broj 21/20.), Preporukama Zavoda za javno zdravstvo Federacije Bosne i Hercegovine za sve poslovne subjekte, samostalne obrtnike, organe vlasti na nivou Federacije Bosne i Hercegovine, kantona, gradova i općina, udruženja i fondacije i radnike te Odlukom o proglašenju stanja nesreće uzrokovano pojavom koronavirusa (COVID-19) na području Grada Tuzla, broj: 02-107-63-2020 od 19. 3. 2020. godine i Zaključkom Kolegija Gradonačelnika, broj: 02-04-A-4045-2020 od 17. 3. 2020. godine, Gradonačelnik Grada Tuzla, donosi

INSTRUKCIJU

o organizaciji rada gradskih organa uprave, stručnih službi Grada Tuzla i Gradskog pravobranilaštva u periodu stanja nesreće uzrokovano pojavom koronavirusa (COVID-19)

I

Na osnovu relevantnih preporuka a sa ciljem preveniranja pojava i širenja oboljenja koje izaziva koronavirus, radi zaštite zdravlja uposlenika gradske uprave i članova njihovih porodica, počev od aprila 2020. godine, rad u gradskim organima uprave, stručnim službama Grada Tuzla i Gradskom pravobranilaštvu (u daljem tekstu: gradska uprava) organizuje se na način kako slijedi:

- rad u službenim prostorijama gradske uprave u punom radnom vremenu,
- rad izvan službenih prostorija gradske uprave (rad od kuće) u punom radnom vremenu i
- korištenje godišnjeg odmora.

II

Rad u službenim prostorijama gradske uprave

Rukovodioci službi, pomoćnici Gradonačelnika, direktor UO, Gradski pravobranilac (u daljem tekstu: rukovodioci službi) dužni su osigurati nesmetano i redovno funkcioniranje gradske uprave i obavljanje svih predviđenih redovnih zadataka u skladu sa zakonom.

S ciljem osiguranja mjere reduciranog međusobnog kontakta među uposlenicima rukovodioci službi su dužni, gdje god je to moguće, osigurati smanjivanje broja uposlenika u službenim prostorijama, što uključuje mogućnost rada od kuće i drugačijeg rasporeda sjedenja u kancelarijama u kojima sjedi više od jednog uposlenika.

Za vrijeme rada u službenim prostorijama uposlenici gradske uprave su dužni poduzimati sve preporučene preventivne zaštitne mjere iz naredbi Federalnog štaba civilne zaštite i Kantonalnog štaba civilne zaštite Tuzlanskog kantona, a posebno one koje se odnose na održavanja lične i higijene radnog prostora.

U slučaju pojave simptoma nelagode i slabosti za vrijeme obavljanja radnih zadataka uposlenici su u obavezi obavijestiti neposredno nadređenog.

III

Rad izvan službenih prostorija gradske uprave (rad od kuće)

Radi zaštite zdravlja uposlenika gradske uprave i članova njihovih porodica, rukovodioci službi mogu uputiti uposlenike da od kuće obavljaju poslove i zadatke za koje su zaduženi izuzev onih koji uključuju rad sa strankama i rad s povjerljivim podacima.

Navedeno se naročito odnosi na uposlenike starije od 60 godina, trudnice, uposlenike koji boluju ili čiji članovi porodičnog domaćinstva boluju od hroničnih bolesti koje za posljedicu imaju imunodefijenciju, uposlenike koji su roditelji ili staratelji djece ili osoba s posebnim potrebama, kao i uposlenike koji imaju djecu mlađu od 10 godina, a nemaju mogućnost da na drugi način organiziraju čuvanje i brigu o djeci.

Za sve uposlenike koji su upućeni na rad od kuće potrebno je donijeti rješenje koje se dostavlja Službi za budžet i finansije i Stručnoj službi za poslove Gradonačelnika radi ulaganja u personalni dosje uposlenika.

Svi uposlenici koji su upućeni da rade od kuće dužni su da se strogo pridržavaju svih preporuka i naredbi kriznih štabova Federacije, Kantona i Grada, te su u obavezi da se putem telefona i/ili e-maila svakog radnog dana jave neposredno nadređenom ili osobi koju on odredi, kao i da u toku cijelog radnog vremena budu dostupni na telefon ili putem e-maila neposredno nadređenima.

Na poziv rukovodioca službe dužni su odazvati se i na posao doći u najkraćem vremenu.

Uposlenici upućeni na rad od kuće dužni su dostavljati sedmične izvještaje o izvršenim poslovima i zadacima.

Rukovodioci službi moraju osigurati da se svi poslovi iz nadležnosti službi odvijaju nesmetano i blagovremeno te

te su dužni provjeravati da li se svi uposlenici koji su upućeni da rade od kuće pridržavaju svih mjera i uputstava o radu od kuće, i da li obavljaju povjerene zadatke.

IV

Radi organizacije redovnog i nesmetanog rada gradske uprave rukovodioci službi dužni su izraditi mjesečni raspored rada u svojim službama iz kojeg će biti vidljivo koji uposlenici rade u prostorijama gradske uprave, koji su upućeni na rad od kuće a koji na korištenje godišnjeg odmora.

Raspored se dostavlja sekretaru organa državne službe najkasnije posljednji radni dan u mjesecu za naredni mjesec.

Izuzetno, raspored za april 2020. godine potrebno je dostaviti najkasnije u roku od 48 sati od dana stupanja na snagu ove Instrukcije.

U slučaju izmijenjenih okolnosti koje utiču na raspored rada, rukovodioci su dužni sačiniti izmijenjeni raspored rada te ga dostaviti sekretaru organa državne službe.

V

Uposlenicima gradske uprave pripadaju sva prava iz radnog odnosa u skladu s Odlukom o plaćama uposlenika općinskih organa Tuzla („Sl. glasnik Općine Tuzla”, broj: 3/13. i 11/17.) i Odlukom o naknadama uposlenika općinskih organa Tuzla („Sl. glasnik Općine Tuzla“, broj 11/10., 1/11., 10/11. i 8/12.), izuzev prava na naknadu za prevoz na posao i s posla za dane kada su puno radno vrijeme radili izvan službenih prostorija gradske uprave (rad od kuće).

VI

Instrukcija stupa na snagu danom donošenja i bit će objavljena na oglasnoj tabli Grada i u „Službenom glasniku Grada Tuzla“.

GRAD TUZLA

Gradonačelnik

Broj: 02/30-A-4950-2020

22. april 2020. godine

GRADONAČELNIK

Jasmin Imamović



III AKTI GRADSKOG ŠTABA CIVILNE ZAŠTITE GRADA TUZLA

1

Na osnovu tačke VI stav 1. podtačka 1. i stava 4. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj 4/12., 80/13. i 20/20.), člana 17. Poslovnika o radu Gradskog štaba civilne zaštite Tuzla („Službeni glasnik Grada Tuzla“, broj 7/18. i 10/19), Naredbe Gradskog štaba CZ broj: 11-40-30/20 od 20. 3. 2020. godine i Godišnjeg plana korištenja sredstava planiranih po osnovu posebne naknade za zaštitu od prirodnih i drugih nesreća u Gradu Tuzla za 2020. godinu broj 11-11-93/20 od 14. 2. 2020. godine i broj 11-11-176/20 od 3. 4. 2020. godine, na prijedlog Službe civilne zaštite Grada Tuzla, Gradski štab civilne zaštite donosi

ODLUKU

**o odobravanju korištenje finansijskih sredstava JKP
„Komunalac“ d.o.o. Tuzla**

I

Ovom Odlukom se odobrava korištenje finansijskih sredstava JKP „Komunalac“ d.o.o. Tuzla, u iznosu od cca 25.000, 00 KM/mjesečno, u periodu trajanja nesreće proglašene Odlukom o proglašenju stanja nesreće uzrokovano pojavom koronavirusa (COVID-19) na području Grada Tuzla, broj 02-107-03-2020 od 19. 3. 2020.godine, a za poslove utvrđene Naredbom Gradskog štaba CZ broj 11-40-30/20 od 20. 3. 2020.godine i Vanrednim programu rada na mašinskom pranju saobraćajnica i javnih asfaltnih površina u periodu proglašenja prirodne nesreće – COVID-19, koji je izradio JKP „Komunalac“ Tuzla (broj 01-571-a/20 od 27. 3. 2020. godine) i koji je usvojen Zaključkom Gradskog štaba CZ broj:11-40-108-1/20 od 10. 4. 2020. godine.

Sredstva iz prethodnog stava ove tačke će se koristiti s pozicije planirane u organizacionoj jedinici 1203 „Sredstva za spašavanje ljudi i materijalnih dobara“- pozicija 613329-3 - „Interventne komunalne usluge“.

II

Za praćenje realizacije Vanrednog programa se zadužuju Služba civilne zaštite i Služba za komunalne poslove, izgradnju i poslove mjesnih zajednica, koje su dužne da izvrše suštinsku i finansijsku kontrolu dostavljene

finansijske i druge dokumentacije o izvršenim poslovima iz tačke 1. ove Odluke, uključujući i mjesečne izvještaje o izvršenim poslovima te da nakon izvršene kontrole izvještaj dostave Gradskom štabu civilne zaštite na razmatranje.

III

Po usvajanju mjesečnog izvještaja iz predhodne tačke ove Odluke, Služba civilne zaštite će zahtjev za isplatu sredstava za realizaciju Naredbe i Vanrednog programa iz tačke 1. Odluke s potrebnom finansijskom dokumentacijom dostaviti Službi za budžet i finansije.

IV

Odluka stupa na snagu narednog dana od dana objavljivanja na oglasnoj tabli Službe civilne zaštite, a objavit će se i u „Službenom glasniku Grada Tuzla“.

GRAD TUZLA**Gradski štab civilne zaštite****Broj: 11-40-125/20****22. april 2020. godine****KOMANDANT****Jasmin Imamović****2**

Na osnovu tačke VI stav 1. podtačka 1. i stav 4. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj 4/12., 80/13. i 20/20.), člana 17. Poslovnika o radu Gradskog štaba civilne zaštite Tuzla („Službeni glasnik Grada Tuzla“, broj 7/18. i 10/19.) Naredbe Gradskog štaba CZ broj 11-40-89/20 od 3. 4. 2020. godine i Godišnjeg plana korištenja sredstava planiranih po osnovu posebne naknade za zaštitu od prirodnih i drugih nesreća u Gradu Tuzla za 2020. godinu broj 11-11-93/20 od 14. 2. 2020. godine i broj 11-11-176/20 od 3. 4. 2020. godine, na prijedlog Službe civilne zaštite Grada Tuzla, Gradski štab civilne zaštite donosi

ODLUKU

**o odobravanju korištenja finansijskih sredstava
Crvenom križu/krstu Grada Tuzla**

I

Ovom Odlukom se odobrava korištenje finansijskih sredstava Crvenom križu/krstu Grada Tuzla u iznosu od 95.365,00 KM za izvršenje Naredbe Gradskog štaba CZ broj 11-40-89/20 od 3. 4. 2020. godine i Programa pomoći licima i porodicama u stanju socijalne potrebe u vrijeme trajanja pandemije koronavirusa COVID-19, koji usvojio Gradski štab civilne zaštite Zaključkom broj 11-40-85-1/20 od 3. 4. 2020. godine.

Sredstva iz prethodnog stava ove tačke će se koristiti sa pozicije planirane u organizacionoj jedinici 1203 „Sredstva za spašavanje ljudi i materijalnih dobara“- pozicija 614311-69 - „Grantovi službama zaštite i spašavanja“.

II

Implementacija sredstava iz tačke 1. ove Odluke u skladu s donesenom Naredbom i usvojenim Programom će se regulisati ugovorom između Službe civilne zaštite Grada Tuzla i Crvenog križa/krsta Grada Tuzla.

III

Službe civilne zaštite Grada Tuzla će pratiti provedbu aktivnosti Crvenog križa/krsta Grada Tuzla iz Naredbe Gradskog štaba CZ broj: 11-40-89/20 od 3. 4. 2020. godine, Programa pomoći licima i porodicama u stanju socijalne potrebe u vrijeme trajanja pandemije koronavirusa COVID-19 i ugovora iz prethodne tačke ove Odluke.

IV

Služba civilne zaštite je dužna da izvrši suštinsku i finansijsku kontrolu dostavljene finansijske i druge dokumentacije o izvršenim poslovima iz tačke 1. ove Odluke, uključujući i izvještaj o izvršenim poslovima te da nakon izvršene kontrole izvještaj dostavi Gradskom štabu civilne zaštite na razmatranje.

V

Služba civilne zaštite će zahtjev za isplatu sredstava za realizaciju Naredbe i Programa iz tačke 1. ove Odluke s potrebnom finansijskom dokumentacijom, a u skladu s Ugovorom iz tačke II ove Odluke, dostaviti Službi za budžet i finansije.

VI

Odluka stupa na snagu narednog dana od dana objavljivanja na oglasnoj tabli Službe civilne zaštite, a objavit će se i u „Službenom glasniku Grada Tuzla“.

GRAD TUZLA
Gradski štab civilne zaštite
Broj: 11-40-126/20
22. april 2020. godine

KOMANDANT
Jasmin Imamović



IV ISPRAVKE

1

Nakon sravnjenja s izvornim tekstom, utvrđeno je da se u Odluci o usmjeravanju neplaniranih namjenskih sredstava u Budžet Grada Tuzla za 2019. godinu („Službeni glasnik Grada Tuzla“, broj 1/19.), potkrala greška pa se, na osnovu člana 7. stav (2) Odluke o objavljivanju akata organa Grada Tuzla u „Službenom glasniku Grada Tuzla“ („Službeni glasnik Grada Tuzla“, broj 8/19.), daje

ISPRAVKA

Odluke o o usmjeravanju neplaniranih namjenskih sredstava u Budžet Grada Tuzla za 2019. godinu, objavljene u „Službenom glasniku Grada Tuzla“, broj 1/19

I

U objavljenoj Odluci o usmjeravanju neplaniranih namjenskih sredstava u Budžet Grada Tuzla za 2019. godinu („Službeni glasnik Grada Tuzla“, broj 1/19., potkrala se greška u članu 1. i broju akta, tako da član 1., umjesto kako stoji:

„Član 1.

Odobrava se usmjeravanje neplaniranih namjenskih sredstava u Budžet Grada Tuzla za 2019. godinu, na ime realizacije projekta „Rekonstrukcija vanjskih prozora na objektu „Poletarac“, u iznosu od 15.000,00 KM. Sredstva su uplaćena od strane TK, dana 14. 1. 2019. godine.“

treba da stoji:

„Član 1.

Odobrava se usmjeravanje neplaniranih namjenskih sredstava u Budžet Grada Tuzla za 2019. godinu, na ime realizacije projekta „Rekonstrukcija krova na objektu „Pčelica“, u iznosu od 15.000,00 KM.

Sredstva su uplaćena od strane TK, dana 14. 1. 2019. godine.“

II

U istoj Odluci kao broj akta je naveden „02-05-499-2019“, a treba da stoji „02/14-500-2019“.

III

Ispravka će se objaviti u „Službenom glasniku Grada Tuzla“.

**GRAD TUZLA SEKRETAR ORGANA DRŽAVNE
SLUŽBE**

**Sekretar organa državne službe
Broj: 02/10-35-5-2020
4. maj 2020. godine**

Almir Šuta

S A D R Ž A J
„Službenog glasnika Grada Tuzla“, broj 5/2020

I AKTI GRADSKOG VIJEĆA GRADA TUZLA

| | | | |
|--|-----|--|-----|
| 1. Odluka o raspisivanju javnog oglasa za izbor i imenovanje člana Nadzornog odbora iz reda državnog kapitala u DD Centralno grijanje Tuzla | 105 | stambeno-poslovnog objekta F s pripadajućim vanjskim uređenjem u obuhvatu izmjene Regulacionog plana prostorne cjeline Stupine u Tuzli | 109 |
| 2. Odluka o kriterijima za izbor i imenovanje člana Nadzornog odbora iz reda državnog kapitala u DD Centralno grijanje Tuzla | 105 | 9. Odluka o izboru najpovoljnijih ponuđača neposrednom pogodbom i davanju saglasnosti na zaključenje ugovora o osnivanju prava građenja na nekretninama u vlasništvu Grada Tuzla | 109 |
| 3. Odluka o prijedlogu kandidata za privremeno imenovanje na upražnjeno mjesto člana Nadzornog odbora iz reda državnog kapitala u DD Centralno grijanje Tuzla | 107 | 10. Odluka o promjeni statusa nepokretnosti (01/07-27-7355/20) | 113 |
| 4. Odluka o davanju saglasnosti na zaključenje ugovora o zakupu poslovne prostorije sa „PERFECT“ doo Tuzla | 108 | 11. Odluka o promjeni statusa nepokretnosti (01/07-27-8381/20) | 114 |
| 5. Odluka o davanju saglasnosti na zaključenje ugovora o zakupu poslovne prostorije sa TR „PARIS“, vl. Vidović Azra, Tuzla | 108 | 12. Rješenje imenovanju Komisije za izbor člana Nadzornog odbora iz reda državnog kapitala u DD Centralno grijanje Tuzla | 114 |
| 6. Odluka o davanju prethodne saglasnosti na Odluku o oslobađanju od obaveze plaćanja iznosaparticipacije korisnika usluga za boravak djece u Javnoj ustanovi za predškolski odgoj i obrazovanje „Naše dijete“ Tuzla | 109 | 13. Rješenje o razrješenju člana Savjeta Mjesne zajednice Ljubače | 115 |
| 7. Odluka o davanju prethodne saglasnosti Nadzornom odboru JKP „Komunalac“ d.o.o. Tuzla za imenovanja direktora Društva | 109 | 14. Rješenje o razrješenju člana Savjeta Mjesne zajednice Novi Grad I | 115 |
| 8. Odluka o izboru najpovoljnijeg ponuđača i davanju saglasnosti na zaključenje ugovora o prodaji nekretnina u vlasništvu Grada Tuzla za izgradnju kolektivnog | 109 | 15. Rješenje o izboru člana Savjeta Mjesne zajednice Ljubače | 115 |
| | | 16. Rješenje o izboru člana Savjeta Mjesne zajednice Novi Grad I | 115 |

II AKTI GRADONAČELNIKA GRADA TUZLA

| | | | |
|--|-----|--|-----|
| 1. Odluka o prestrukturiranju rashoda Budžeta Grada Tuzla za period 1. 1. - 31. 12. 2020. godine | 117 | 6. Odluka o dodjeli sredstava za potrebe nabavke i ugradnje mjerno regulacionih stanica i kompaktno toplinskih podstanica | 120 |
| 2. Odluka o usmjeravanju neplaniranih namjenskih sredstava u Budžet Grada Tuzla za 2020. godinu | 118 | 7. Rješenje o obrazovanju Tima za koordinaciju ekonomskih mjera za očuvanje stabilnosti Budžeta Grada Tuzla za vrijeme stanja nesreće uzrokovano pandemijom koronavirusa (COVID-19) | 121 |
| 3. Odluka o izdvajanju sredstava iz Tekuće rezerve Budžeta Grada Tuzla za 2020. godinu, JZNU Dom zdravlja „Dr. Mustafa Šehović“ Tuzla | 118 | 8. Pravilnik o načinu raspodjele finansijskih sredstava iz Budžeta Grada Tuzla medijskim subjektima | 121 |
| 4. Odluka o izdvajanju sredstava iz Tekuće rezerve Budžeta Grada Tuzla za 2020. godinu, Opštini Srebrenica | 119 | 9. Instrukcija o organizaciji rada gradskih organa uprave, stručnih službi Grada Tuzla i Gradskog pravobranilaštva u periodu stanja nesreće uzrokovano pojavom koronavirusa (COVID-19) | 123 |
| 5. Odluka o pojednostavljenju procesa pribavljanja dokumentacije u postupku ostvarivanja prava na obavezno zdravstveno osiguranje osoba koje su u stanju socijalne potrebe za vrijeme trajanja stanja nesreće uzrokovano pojavom koronavirusa (COVID-19) | 119 | | |

III AKTI GRADSKOG ŠTABA CIVILNE ZAŠTITE

| | | | |
|--|-----|---|-----|
| 1. Odluka o odobravanju korištenje finansijskih sredstava JKP „Komunalac“ d.o.o. Tuzla | 125 | 2. Odluka o odobravanju korištenja finansijskih sredstava Crvenom križu/krstu Grada Tuzla | 125 |
|--|-----|---|-----|

IV ISPRAVKE

| | |
|--|-----|
| 1. Ispravka Odluke o o usmjeravanju neplaniranih namjenskih sredstava u Budžet Grada Tuzla za 2019. godinu, objavljene u "Službenom glasniku Grada Tuzla", broj 1/19 | 127 |
|--|-----|